



KEMENTERIAN PERDAGANGAN ANTARABANGSA DAN INDUSTRI
MINISTRY OF INTERNATIONAL TRADE AND INDUSTRY

Menara Perdagangan Antarabangsa dan Industri,
No.7, Jalan Sultan Haji Ahmad Shah,
50480 Kuala Lumpur,
MALAYSIA

Tel : 603 8000 8000
Faks (Fax) : 603 6206 4693
Laman Web (Web) : www.miti.gov.my
E-mel (E-mail) : webmiti@miti.gov.my

Rujukan: MITI.700-16/1(-) 2163
Tarikh 24 Mac 2020

MANDY LAM
SENIOR MANAGER HR & ADMIN
HIRO FOOD PACKAGES MANUFACTURING SDN BHD
LOT 38187, JALAN SU 8, SEKSYEN 22
TAMAN PERINDUSTRIAN SUBANG
40300 SHAH ALAM
SELANGOR

Tuan/Puan,

KEBENARAN BEROPERASI SERTA PERGERAKAN PEKERJA BAGI SYARIKAT-SYARIKAT DALAM TEMPOH PERINTAH KAWALAN PERGERAKAN DARI 18 HINGGA 31 MAC 2020

Dengan hormatnya saya merujuk kepada surat daripada YB Menteri Kesihatan Malaysia dengan rujukan MKM/A/PEL/3(14) bertarikh 17 Mac 2020 yang memberikan kelulusan secara bersyarat bagi syarikat-syarikat pembuatan produk-produk yang ditakrifkan sebagai kritikal.

2. Sehubungan dengan ini, berdasarkan kepada maklumat yang dikemukakan oleh syarikat kepada MITI, syarikat **HIRO FOOD PACKAGES MANUFACTURING SDN BHD** adalah dibenarkan untuk beroperasi dalam tempoh Perintah Kawalan Pergerakan (PKP) tertakluk kepada syarat-syarat yang ditetapkan seperti berikut:

- i) Syarikat hendaklah mengurangkan bilangan pekerja kepada tahap paling minima atau sekurang-kurangnya sebanyak 50% daripada jumlah semasa atau yang berdaftar, bagi pengeluaran di dalam tempoh Perintah Kawalan Pergerakan (PKP). Syarikat hendaklah mewujudkan sistem bekerja dari rumah bagi pekerja yang tidak terlibat dengan aktiviti pengilangan yang kritikal.
- ii) Syarikat dikehendaki untuk memenuhi permintaan dan keperluan produk keluaran atau perkhidmatan bagi pasaran tempatan sepenuhnya.
- iii) Syarikat hendaklah mengemukakan kepada MITI senarai pekerja yang terlibat semasa tempoh PKP dan memastikan pergerakan pekerja terbabit hanya terhad dari rumah ke kilang/premis.
- iv) Syarikat hendaklah menyediakan alat saringan suhu badan, dan mengambil bacaan suhu badan pekerja pada setiap hari di pintu masuk kilang/premis. Bacaan bagi setiap pekerja hendaklah direkod dan disimpan untuk rujukan.
- v) Sekiranya suhu badan didapati melebihi paras biasa, syarikat hendaklah menghubungi Pejabat Kesihatan atau Hospital Kerajaan terdekat.

- vi) Semua pekerja hendaklah mematuhi prosedur pencegahan COVID-19 yang telah ditetapkan oleh KKM yang dikeluarkan dari masa ke semasa.
- vii) Syarikat hendaklah menyediakan *hand sanitizer* di pintu masuk dan tempat-tempat lain yang berkaitan dalam kilang/premis, serta memastikan pemakaian *face mask* oleh setiap pekerja.
- viii) Syarikat hendaklah menjalankan proses sanitasi pembasmian kuman di kilang/premis sebelum setiap *shift* atau operasi bermula.
- ix) Proses sanitasi dan pembersihan perlu dilaksanakan tiga (3) kali sehari terutamanya di kawasan umum (common spaces) seperti lobi, lif, cafeteria, bilik-bilik mesyuarat, surau, bas/pengangkutan pekerja dan pusat rekreasi tertutup.
- x) Syarikat hendaklah memastikan kenderaan pekerja telah menjalani proses sanitasi dan pembasmian kuman setiap kali sebelum digunakan.
- xi) Syarikat hendaklah memastikan garis panduan amalan terbaik *social distancing* disediakan dan dilaksanakan khususnya di kawasan-kawasan pengeluaran fasiliti (production floor); cafeteria/kantin; bilik-bilik mesyuarat; surau dan dewan serba guna (multipurpose hall).
- xii) Sekiranya terdapat pekerja yang dijangkiti COVID-19, syarikat adalah bertanggungjawab menanggung sepenuhnya semua kos perubatan, proses nyah cemar premis, dan lain-lain kos yang berkaitan.
- xiii) Kerajaan berhak untuk meminda syarat-syarat di atas tertakluk kepada situasi semasa.

3. Dalam hal ini, hanya pekerja-pekerja **HIRO FOOD PACKAGES MANUFACTURING SDN BHD** seperti di **Lampiran A** sahaja dibenarkan bergerak dari kediaman ke kilang/premis masing-masing. Syarikat wajib memberi surat kebenaran perjalanan kepada pekerja yang bertugas dengan melampirkan surat kebenaran beroperasi ini. Syarikat perlu menentukan jumlah surat kebenaran perjalanan hanya dikeluarkan mengikut bilangan pekerja yang diluluskan seperti di Lampiran A. Kelulusan ini boleh dibatalkan dan ditarik balik, sekiranya syarat-syarat yang ditetapkan tidak dipatuhi oleh syarikat.

4. Kerjasama dan perhatian tuan/puan dalam hal ini amat dihargai dan didahului dengan ucapan terima kasih.

Sekian.

“BERKHIDMAT UNTUK NEGARA”

Saya yang menjalankan amanah,



(**DATO' SRI NORAZMAN AYOB**)

Timbalan Ketua Setiausaha (Industri)

b.p. Ketua Setiausaha

Kementerian Perdagangan Antarabangsa & Industri (MITI)